

31.05.2019.

Stvaranje uslova za privredni rast zadatak je svih relevantnih

institucija i njihovih predstavnika na području BPK Goražde



Danas je održana 5. redovna sjednica Ekonomsko-socijalnog vijeća Bosansko-podrinjskog kantona Goražde kojoj su po prvi put prisustvovali predstavnici iz novog saziva Vlade Bosansko-podrinjskog kantona Goražde, na čelu s premijerkom Aidom Obućom.

Premijerka kantona i ministar za privredu Mensad Arnaut koji je ujedno i predsjedavajući Ekonomsko-socijalnog vijeća, upoznati su s radom i ciljevima Vijeća, s posebnim fokusom na njegove priorite u ovoj godini.

Premijerka Aida Obuća istakla je da je Vlada, odmah nakon usvajanja, dostavila Ekonomsko-socijalnom vijeću Program rada Vlade i Ciljeve i politike Bosansko-podrinjskog kantona Goražde za 2019. kako bi se Vijeće upoznalo s planovima Vlade za ovu godinu i iznijelo svoje primjedbe i sugestije koje će doprinijeti stvaranju boljih uvjeta za rad radnika i poslodavca, te stvaranju boljeg poslovnog ambijenta na području ovog kantona.

Prema njenim riječima, Vlada će u implementaciji svojih ciljeva i politika tražiti podršku poslodavaca i sindikata, ali i svih relevantnih čimbenika koji utječu na razvoj Bosansko-podrinjskog kantona Goražde. S tim u vezi, ona je istakla da je danas razgovarano o tome koji su to prioriteti u interesu poslodavaca na kojima će Vlada i Skupština raditi u ovoj godini.



